



KUMUNIDADI DI MASSACHUSETTS
SKRITÓRIU IZEKUTIVU DI SAUDI Y SIRVISUS UMÁNUS
Dipartamentu di Sirvisus di Dizenvolvimentu
Divizon di Autismu
40 Board Street, 4th Floor, Boston, MA 02109

Agostu di 2026

Kiridu Provedor Kumunitáriu,

Sima nhu débi sabi, Divizon di Autismu di Dipartamentu di Sirvisus di Dizenvolvimentu (DDS) sta ku un prugrama pa **kriansas autistas ku báxu rendimentu** ki txoma **Prugrama di Izénson pa Kriansas ku Autismu**. Kel prugrama li ta atendi kriansas ku **ménus di 10 anu** ki ten tantu elijibilidadi klíniku komu finanséru, inkluindu ten ou ganha Siguru MassHealth Padrón. Nêš mumentu li, Prugrama di Izénson pa Kriansas ku Autismu podi txiga aprosimadamenti 500 kriansas pa anu. Prugrama ta rizerva un kapasidadi (55 vágas pa kada stadu) pa kriansas ku 3 anu di idadi y ki sta sai di Intervenson Prikósi. Tudú servisu di Izénson ta izíji ki kriansa kontinua ta kunpri rikizitus di elijibilidadi finanséru y klíniku pa Prugrama di Izénson duranti sê-s inskrison. Ten un altu táxa di rotatividadi na prugrama tudú anu; nton, nu ta ben uza es lista di Kandidatura Abertu pa prinxi vágas ki sta disponível.

Óji, nu sta pidi ajuda di nhô pa nhu djuda-nu na divulgason di informason sobri prósimu **Piriudu di Kandidatura** pa Prugrama di Izénson pa Kriansas ku Autismu. Divizon di Autismu ta ben **aseita novus pididus di inskrison** di famílias interesadu na kel prugrama li na dáta entri **16 di Outubru di 2026 ti 30 di Outubru di 2026**. Inskrison ten ki ser karinbádu ou mandádu através di e-mai; pa pâis/inkaregadás di idukason ti dia 30 di Outubru di 2026.

Kel Izénson di Servisu na Kaza y na Kumunidadi li é un prugrama Medicaid ki foi kriadu pa djuda kriansas ku autismu a fika na sê-s kaza y partisipa di forma ativu ku sê-s famílias y na sê-s kumunidadi. Kel prugrama li resebi un parti di finansiamentu di Guvernu Federal. Servisu di izénson ta konplêta sirvisus di idukason spisial ki é dadu pa IDEA (Lei di Idukason di Algen ku Difisênsia.) Ku ajuda di Prugrama, kada família ta ben ser pididu pa kontráta un médiku spesializadu pa kria un Planu di Apoiu pa Konportamentu Puzitivu individualizadu, baziadu na un mudelu di terapia ki família skôdji, pa apoia nisisidadis di sê-s fidjus, y kontráta pisual di apoiu dirétu pa djuda na terapia intensívu individual ki foi indikadu na Planu. Famílias ki sta na Prugrama tanbé ten opurtunidadi di skôdji ôtus servisu di izénson, sima na atividadis di integrason kumunitariu y formason pa família y diskansu, ki é kriadu pa djuda sê-s fidjus a dizenvolvi na árias rilasionadu ku konportamentu, konpitênsia sosial y komunikason.

Un kópia di Formuláriu di Kandidatura pa Prugrama di Izénson pa Kriansas ku Autismu y Kandidatura Jeral di Família sta aneksádu en Inglés. Formuláriu di inskrison, avizu familiar y material rilasionadu (na un munti língua*) ta ben sta disponível na pájina di DDS através di [Vizon Jeral di Prugrama di Servisu di Inzénson pa Kriansas ku Autismu di DDS | Mass.gov](#) y na kês sêti Sentrus di Apoiu pa Autismu rijional (lista di Sentrus sta disponível na pájina DDS). Para alen di kela, formuláriu sta disponível pa ser prinxidu online na ês siginti link li: [Formuláriu di Pididu di Informason Sobri Vágas Abertu pa 2026](#). Pur favor, ka bu xinti mêdu di entra en kontáktu ku Divizon di Autismu pa DDS-ChildrensAutismWaiverProgram@mass.gov ou na Sentru di Ajuda pa Autismu lokal si bu teni algun dúvida sobri prusesu di inskrison. Pur favor, ka bu skesi ma keli é un inderesu di e-mail novu.

Atensiozamenti,

Mary Kate Haswell
Diretóra di Prugrama di Izénson pa Kriansas ku
Autismu

Stephanie Coburn
Diretóra di Prugrama di Izénson pa Kriansas ku
Autismu